



15 QERSHOR 2013

KULLA E ROJËS

LAJMËRON MBRETËRINË E JEHOVAIT

5-11 gusht

Jehovai është i afrueshëm dhe i paanshëm

FAQJA 3 KËNGËT: 69, 89

12-18 gusht

Jehovai është bujar dhe i arsyeshëm

FAQJA 18 KËNGËT: 22, 110

Botim me shkronja të mëdha

PJESA I

ARTIKUJT E STUDIMIT

■ Jehovai është i afrueshëm dhe i paanshëm

■ Jehovai është bujar dhe i arsyeshëm

Kur mendojnë për Jehovain, shumë të krishterë sjellin ndër mend katër cilësi kryesore. Por, këta tre artikuj do të na thellojnë çmueshmërinë për disa cilësi të Jehovait që studiohen më rrallë. Për çdo cilësi do të shqyrtojmë këto pyetje: çfarë kuptimi ka? Si e shfaq Jehovai? Si mund ta imitojmë këtë cilësi të Jehovait?

Jehovai është i afrueshëm dhe i paanshëm

«Bëhuni, pra, imitues të Perëndisë, si bij të dashur.»
—EFES. 5:1.

SI DO TË PËRGJIGJESHE?

Si mund ta thellojmë çmueshmërinë për cilësitë e Jehovait?

Çfarë e bën të afrueshëm dikë?

Si mund ta imitojmë paanshmërinë e Jehovait?

KUR mendon për personalitetin e Jehovait, cilat cilësi të vijnë në mendje? Shumicës prej nesh u shkon mendja te dashuria, drejtësia, mençuria dhe fuqia. Megjithatë, e kuptojmë se Jehovai ka plot cilësi që na bëjnë për vete. Në të vërtetë mund të renditim mbi 40 cilësi të Jehovait, të shqyrtuara në botimet tona. Përfytyro çfarë

1. (a) Cilat cilësi të Jehovait mund të shqyrtojë një i krishterë? (b) Si do të nxjerrim dobi duke shqyrtuar cilësitë e Perëndisë?

thesari me informacione të mrekullueshme për personalitetin e Jehovahit pritet të zbulojmë gjatë studimit personal ose familjar. Si nxjerrim dobi nga një studim i tillë? Mund të na thellojë çmueshmërinë për Atin tonë qiellor. E sa më e thellë të jetë çmueshmëria për Jehovahin, aq më shumë duam t'i afrohemi dhe ta imitojmë.—Jos. 23:8; Psal. 73:28.

2 Por, çfarë do të thotë «të çmosh» diçka? Në këta artikuj kjo fjalë do të thotë të njohësh ose të pranosh vlerën e vërtetë të diçkaje. Çmueshmëria mund të thellohet dalëngadalë. Ta ilustrojmë: një gatim të ri mësojmë ta çmojmë gjithnjë e më shumë që kur ndiejmë aromën për herë të parë, pastaj kur shijojmë çdo kafshatë dhe në fund kur e përgatitim vetë. Po kështu, çmueshmëria për një cilësi të Jehovahit na thello-

2. (a) Ilustroni si mund ta thellojmë çmueshmërinë për cilësitë e Jehovahit. (b) Çfarë do të shqyrtojmë?

het kur e njohim mirë atë cilësi, kur mendojmë thellë për të dhe kur e shfaqim në jetën tonë. (Efes. 5:1) Ky artikull dhe dy artikujt vijues kanë si qëllim të na thellojnë çmueshmërinë për ato cilësi të Perëndisë që ndoshta i mendojmë më rrallë se cilësitë e tij kryesore. Për çdo cilësi do të shqyrtojmë: çfarë kuptimi ka? Si e shfaq Jehovahi? Si mund ta imitojmë këtë cilësi të Jehovahit?

JEHOVAI ËSHTË I AFRUESHËM

3 Le të shohim së pari cilësinë e afrueshmërisë. Si do ta përshkruaje një person të afrueshëm? Mbase si një njeri mirëdashës, gjithnjë në dispozicion dhe me të cilin mund të flasësh kollaj. Shpesh, mund ta dallosh nëse dikush është i afrueshëm ose jo nga gjërat që thotë dhe nga lëvizjet e trupit—gjestet, shprehjet e fytyrës dhe reagime të tjera pa fjalë.

3, 4. (a) Si do ta përshkruaje një person të afrueshëm? (b) Si na siguron Jehovahi se është i afrueshëm?

4 Si e tregon Jehovahi se është i afrueshëm? Edhe pse është Krijuesi i plotfuqishëm i universit të paanë, Jehovahi na siguron se është i gatshëm dhe mezi pret t'i dëgjojë e t'u përgjigjet lutjeve tona. (*Lexo Psalmin 145:18; Isainë 30:18, 19.*) Mund të flasim me Perëndinë gjerë e gjatë në çdo kohë e në çdo vend. Mund t'i afrohem i lirshëm, duke e ditur se nuk do të na qortojë kurrë për këtë. (Psal. 65:2; Jak. 1:5) Shkrimet e Shenjta e përshkruajnë Jehovahin me terma njerëzorë për të treguar se ai do që t'i afrohem. Për shembull, psalmisti David shkroi se «Jehovai i kthen sytë nga» ne dhe 'dora e tij e djathtë na mban fort'. (Psal. 34:15; 63:8) Profeti Isaia e krahasoi Jehovahin me një bari, dhe tha: «Do t'i mbledhë qengjat me krahun e tij e do t'i mbajë në gji.» (Isa. 40:11) Përfytyro pak: Jehovahi do që të jemi po aq afër tij sa edhe një qengj i vogël i strukur në gjirin e një bariu të

dashur. Sa i afrueshëm është Ati ynë! Si mund ta imitojmë këtë cilësi të Jehovahit?

NJË CILËSI QË VLERËSOHET SHUMË

5 Pak kohë më parë, Dëshmitarë nga kontinente të ndryshme u pyetën: «Cilën cilësi vlerësoni më tepër te një plak?» Shumica dërrmuese u përgjigjën: «Të jetë i afrueshëm.» S'diskutohet, çdo i krishterë duhet ta kultivojë plotësisht këtë cilësi, por sidomos për pleqtë është edhe më e rëndësishme. (Isa. 32:1, 2) Duke komentuar për arsyet që e bënin kaq të rëndësishme këtë cilësi, një motër tha: «Vetëm nëse një plak është i afrueshëm, mund të nxjerrim dobi nga cilësitë e tjera të shkëlqyera që mund të ketë.» A të duket e logjikshme kjo? Mirëpo, çfarë e bën të afrueshëm dikë?

6 Një faktor kyç për të qenë i afrueshëm është

5. Pse është e rëndësishme që pleqtë të jenë të afrueshëm?

6. Cili është një faktor kyç për të qenë i afrueshëm?

interesimi i singertë për të tjerët. Nëse një plak interesohet për të tjerët dhe është i gatshëm të japë nga vetja për të mirën e tyre, kjo nuk do të kalojë pa u vënë re nga vëllezërit e motrat, përfshirë edhe të rinjtë. (Mar. 10:13-16) Karlosi 12-vjeçar thotë: «Në sallë shoh pleqtë që buzëqeshin dhe tregohen dashamirës, e kjo më pëlqen.» Patjetër, nuk mjafton që një plak *të pohojë* se është i afrueshëm, ai duhet ta shfaqë këtë cilësi. (1 Gjon. 3:18) Si?

7 Mendo për këtë krahasim. Jo shumë kohë më parë, një vëlla mbajti distinktivin teksa udhëtonte me avion kur po kthehej nga një kongres. Kur një nga personeli i avionit pa distinktivin me fjalët «Ardhtë Mbretëria e Perëndisë!», i tha vëllait: «Po, le të vijë. Duhet të flasim më tepër për këtë.» Më vonë, bënë një bisedë dhe ai bu-

7. Pse një distinktiv shpesh ngjall një bisedë dhe ç'mësim mund të nxjerrim nga kjo?

rrë i pranoi me kënaqësi revistat tona. Shumë prej nesh kemi pasur përvoja të tilla. E pra, si ka mundësi që një distinktiv të ngjallë një bisedë? Në njëfarë mënyre, ai u thotë njerëzve: «Ndihi i lirë të më afrohesh. Më pyet ku po shkoj.» Distinktivi është një shenjë e dukshme që u tregon të tjerëve se jemi gati të flasim për besimin tonë. Në mënyrë të ngjashme, pleqtë e krishterë duan të japin shenja të dukshme që u thonë bashkëbesimtarëve: «Ndihi i lirë të më afrohesh.» Cilat janë disa nga këto shenja?

8 Zakonet ndryshojnë nga njëri vend në tjetrin por, përgjithësisht, kur u buzëqeshim ngrohtësisht vëllezërve e motrave, kur i mirëpresim me një shtrëngim dore ose kur i përshëndetim çlirët, u japim shenja se interesohemi sinqerisht për ta. Kush duhet ta marrë iniciativën për

8. Si tregojnë pleqtë se interesohen sinqerisht për të tjerët dhe ç'ndikim ka kjo në kongregacion?

këtë? Vëreni shembullin që na la Jezui. Mateu tregon se në një mbledhje me dishepujt, ‘Jezui iu afrua dhe u foli atyre’. (Mat. 28:18, *Diodati i Ri*) Njësoj edhe sot, pleqtë duhet të marrin iniciativën t’u afrohen bashkëbesimtarëve e t’u flasin. Ç’ndikim mund të ketë kjo në kongregacion? Një pioniere 88 vjeçe vëren: «Buzëqeshja e ngrohtë e pleqve dhe komentet e tyre inkurajuese kur hyj në Sallën e Mbretërisë, më bëjnë për vete.» Një tjetër motër besnike shton: «Mund të duket gjë e vogël, por prekem thellë kur një plak më pret në mbledhje me një buzëqeshje.»

I AFRUESHËM DHE NË DISPOZICION

⁹ Kuptohet, nuk mund të na afrohet njeri, po të mos jemi në dispozicion. Jehovai ka lënë një shembull të shkëlqyer për këtë. «Ai nuk është larg nga secili prej nesh.» (Vep. 17:27) Një më-

9, 10. (a) Çfarë shembulli të shkëlqyer jep Jehovai? (b) Si mund ta vënë veten në dispozicion të të tjerëve pleqtë?

nyrë se si pleqtë e vënë veten në dispozicion të të tjerëve është duke programuar kohë para e pas mbledhjes për të biseduar me vëllezërit e motrat, të rinj a të rritur qofshin. Një pionier vëren: «Kur një plak më pyet si po ia kaloj e ndalet për të dëgjuar përgjigjen, ndihem i vlerësuar.» Një motër që i ka shërbyer Jehovahit për gati 50 vjet, komenton: «Pleqtë që veçojnë pak kohë për të folur me mua pas mbledhjes, më bëjnë të ndihem me vlerë.»

10 Pa dyshim, barinj të krishterë kanë edhe detyra të tjera. Gjithsesi, kur janë në mbledhje, në radhë të parë duhet t'u kushtojnë vëmendje deleve.

JEHOVAI ËSHTË I PAANSHËM

11 Paanshmëria është një tjetër cilësi e Jehovahit që na bën për vete. Çfarë do të thotë të jesh

11, 12. (a) Çfarë do të thotë të jesh i paanshëm? (b) Si tregon Bibla se Jehovahi është i paanshëm?

i paanshëm? Do të thotë të jesh objektiv, të mos nisësh nga paragjykimet ose të mos mbash anën e ndokujt. Paanshmëria e vërtetë përbëhet nga dy elemente: qëndrimi dhe veprimet. Pse duhen të dyja? Sepse, vetëm nëse dikush *i sheh* gjërat me paanshmëri, do të nxitet *t'i trajtojë* me paanshmëri gjithë të tjerët. Te Veprat 10:34, fjalët në gjuhën origjinale përcjellin idenë se Perëndia nuk gjykon nga pamja e jashtme, nuk mban me hatër një njeri më tepër se një tjetër. Prandaj, ai që është i paanshëm, nuk i kushton vëmendje pamjes së jashtme dhe rrethanave, por vetë personit.

12 Jehovahi është shembulli më i madh i paanshmërisë. Fjala e Tij thotë se ai «nuk është i anshëm» dhe se «nuk trajton asnjë me anësi». (*Lexo Veprat 10:34, 35; Ligjin e përtërirë 10:17.*) Një çështje që u ngrit në ditët e Moisiut e nxjerr në pah këtë.

13 Pak para se izraelitët të hynin në Tokën e Premtuar, pesë motra beqare ishin para një dileme. Cila ishte? E dinin se familja e tyre, si gjithë familjet e tjera izraelite, duhej të merrte një pjesë toke të vendit që do t'i përkiste të atit si trashëgimi. (Num. 26:52-55) Megjithatë, i ati, Zelofehadi nga fisi i Manaseut, kishte vdekur. Sipas zakonisht, e drejta e trashëgimisë së tokës do t'u kalonte bijve të Zelofehadit, por ai kishte vetëm vajza. (Num. 26:33) Meqë familja nuk kishte djalë që të merrte tokën, a do t'i kalonte toka farefisit e kështu vajzat të mos merrnin trashëgiminë që i përkiste asaj familjeje?

14 Pesë motrat iu afruan Moisiut dhe e pyetën: «Pse të fshihet emri i babait tonë nga familja e tij ngaqë nuk pati djem?» Pastaj iu përgjëruan: «Na jep neve një zotërim mes

13, 14. (a) Cilën situatë hasën bijat e Zelofehadit? (b) Si tregoi Jehovahi se ishte i paanshëm?

xhaxhallarëve tanë.» A ia ktheu Moisiu: «Nuk ka përjashtime. Ky është rregulli.» Jo, ai «ia paraqiti çështjen e tyre Jehovait». (Num. 27:2-5) Ç'përgjigje morën? Jehovai i tha Moisiut: «Bijat e Zelofehadit kanë të drejtë. Duhet t'u japësh patjetër një trashëgimi mes xhaxhallarëve të tyre. Trashëgiminë e të atit kalojua atyre.» Jehovai bëri më tepër se kaq. Ai e ktheu këtë përjashtim në një rregull kur udhëzoi Moisiun: «Në rast se një njeri vdes pa pasur djalë, trashëgiminë e tij kalojani së bijës.» (Num. 27:6-8; Jos. 17:1-6) Që atëherë, të gjitha gratë izraelite që do të gjendeshin në të njëjtën situatë, do të ishin të mbrojtura.

15 Sa dashamirës dhe i paanshëm ishte ky vendim! Jehovai i trajtoi me dinjitet këto gra që ishin të pambrojtura, pikërisht ashtu si trajton-

15. (a) Si e trajton Jehovai popullin e tij, përfshirë edhe ata që janë të pambrojtur? (b) Cilat tregime të tjera biblike tregojnë se Jehovai është i paanshëm?

te izraelitët në situatat më të mira. (Psal. 68:5)
Ky është vetëm një nga tregimet e shumta biblike që nxjerr në pah këtë të vërtetë që të ngroh zemrën: Jehovahi i trajton me paanshmëri të gjithë shërbëtorët e tij.—1 Sam. 16:1-13; Vep. 10: 30-35, 44-48.

MUND TË IMITOJMË JEHOVAIN

16 Si mund ta imitojmë paanshmërinë e Jehovahit? Të kujtojmë se paanshmëria përbëhet nga dy elemente. Vetëm nëse *jemi* të paanshëm, *do t'i trajtojmë* të tjerët me paanshmëri. Patjetër, të gjithëve na pëlqen ta shohim veten si mendjehapur dhe të paanshëm. Megjithatë, besojmë se jeni dakord se nuk është gjithnjë e lehtë t'i shqyrtojmë me objektivitet ndjenjat tona. Kështu, çfarë mund të bëjmë që të kuptojmë nëse na njohin si persona pa paragjykime? Kur Jezui donte të dinte ç'thoshin të tjerët për të, pyeti

16. Si mund ta zhvillojmë e ta forcojmë paanshmërinë?

miqtë e tij të besuar: «Çfarë thonë njerëzit: kush është Biri i njeriut?» (Mat. 16:13, 14) Pse të mos imitosh Jezuin në këtë aspekt? Mund të pyesësh ndonjë mik për të cilin je i sigurt se do të ta thotë pa dorashka nëse të njohin si të paanshëm. Nëse ai ose ajo të thotë se të kanë mbetur ca gjurmë paragjykimi racial, shoqëror ose ekonomik, ç'duhet të bësh? Lutju me zjarr Jehovait duke ia shprehur hapur ndjenjat që provon, duke iu përgjëruar për ndihmë që të ndreqesh, që ta pasqyrosh sa më plotësisht paanshmërinë e tij.—Mat. 7:7; Kolos. 3:10, 11.

17 Në kongregacionin e krishterë, tregojmë se duam ta imitojmë paanshmërinë e Jehovait duke i *trajtuar* me dinjitet dhe me dashamirësi të gjithë vëllezërit e motrat. Për shembull, kur bëhet fjalë për mikpritjen, duam të ftojmë çdo lloj ba-

17. Në cilat mënyra mund t'i trajtojmë me paanshmëri të tjerët?

shkëbesimtari, duke përfshirë ata me prejardhje të ndryshme, si edhe ata që janë të varfër, jetimë ose të ve. (*Lexo Galatasve 2:10; Jakovin 1:27.*) Për më tepër, kur predikojmë për Mbretërinë, ua japim lajmin e mirë me paanshmëri një-rëzve me prejardhje të ndryshme, pa përjashtim, edhe atyre nga vende të huaja. Sa të lumtur jemi që kemi në dispozicion literaturë biblike në më shumë 600 gjuhë! Ç’dëshmi konkrete e paanshmërisë!

18 Vërtet, teksa marrim kohë për të bluar në mendje sa i afrueshëm dhe i paanshëm është Jehovahi, na thellohet çmueshmëria për të. Dhe kjo duhet të na nxitë t’i imitojmë më plotësisht cilësitë e Jehovahit, duke i shfaqur në mënyrën si i trajtojmë bashkëbesimtarët dhe ata të cilëve u predikojmë.

18. Si do të tregosh ti se e çmon afrueshmërinë dhe paanshmërinë e Jehovahit?

Jehovai është bujar dhe i arsyeshëm

*«Jehovai është i mirë ndaj të gjithëve, dhe u tregon
mëshirë tërë veprave të tij.»—PSAL. 145:9.*

SI DO TA SHPJEGONIT?

Cilat janë dy cilësi të Jehovait për të cilat mund të thellojmë çmueshmërinë?

Si mund ta imitojmë bujarinë e Jehovait?

Në cilat mënyra mund ta imitojmë arsyetueshmërinë e Jehovait?

NJË e krishterë me emrin Monika thotë: «Jemi të martuar prej afro 35 vjetësh. Burri im dhe unë e njohim goxha mirë njëri-tjetrin. Megjithatë, pas gjithë këtyre viteve, ende mësojmë gjëra për njëri-tjetrin që nuk i dinim më parë.» Pa dyshim, mund të thuhet e njëjta gjë për shumë e shumë martesë e miqësi.

2 Kënaqemi kur njihemi më mirë me të dashu-

1, 2. Ç'mundësi kanë miqtë e Jehovait?

rit tanë. Sidoqoftë, miqësia me Jehovahin s'ka të krahasuar me ndonjë miqësi tjetër që mund të zhvillojmë. Kurrë nuk do të dimë çdo gjë për të. (Rom. 11:33) Gjatë tërë përjetësisë do të kemi mundësinë dhe gëzimin të thellojmë çmueshmërinë për cilësitë e Jehovahit.—Ekl. 3:11.

3 Artikulli i kaluar na ndihmoi të thellonim çmueshmërinë për afrueshmërinë e paanshmërinë e Jehovahit. Tani, le të shqyrtojmë dy cilësi të tjera të Jehovahit që na bëjnë për vete: bujaria dhe arsyetueshmëria. Kështu, do të kuptojmë më plotësisht se «Jehovai është i mirë ndaj të gjithëve, dhe u tregon mëshirë tërë veprave të tij».—Psal. 145:9.

JEHOVAI ËSHTË BUJAR

4 Ç'do të thotë të jesh bujar? Përgjigjen e gjejmë në fjalët e Jezuit, shkruar te Veprat 20:35:

3. Çfarë do të shqyrtojmë në këtë artikull?

4. Cili është thelbi i bujarisë së vërtetë?

«Ka më shumë lumturi të japësh, se të marrësh.» Me këtë pohim të thjeshtë, Jezui kapi thelbin e bujarisë së vërtetë. Një njeri bujar jep lirisht nga koha, energjitë dhe të mirat e tij në dobi të të tjerëve, dhe e bën këtë me kënaqësi. Qartë, bujaria nuk matet nga përmasat e dhuratës, por nga motivi i dhënësit. (*Lexo 2 Korintasve 9:7.*) Askush nuk është më bujar se ‘Perëndia ynë i lumtur’, Jehovai.—1 Tim. 1:11.

5 Si e shfaq Jehovai bujarinë? Ai u siguron atë që u nevojitet të gjithë njerëzve, edhe atyre që ende nuk po e adhurojnë. Vërtet, «Jehovai është i mirë ndaj *të gjithëve*». «Ai e bën diellin e tij të ngrihet mbi të ligjtë e mbi të mirët dhe bën që të bjerë shi mbi të drejtët e mbi të padrejtët.» (Mat. 5:45) Ja përse, teksa fliste me jobesimtarët, apostulli Pavël mundi t’u thoshte se Jehovai «bëri mirë: ju solli shira nga qielli dhe stinë të

5. Në cilat mënyra e shfaq bujarinë Jehovai?

frytshme, ju dha ushqim me bollëk dhe jua mbushi zemrat plot hare.» (Vep. 14:17) Kuptohet qartë se Jehovahi është bujar me të gjithë njerëzit. —Luka 6:35.

6 Jehovahi kënaqet sidomos kur siguron gjërat e nevojshme për adhuruesit e tij besnikë. Mbreti David vërejti: «Isha i ri dhe u plaka, por s'kam parë asnjë të drejtë të braktisur, dhe as pasardhësit e tij të lypin bukë.» (Psal. 37:25) Shumë të krishterë besnikë e kanë përjetuar kujdesin e Jehovahit. Le të shohim një shembull.

7 Disa vjet më parë, Nensi, një motër që shërben në kohë të plotë, ishte në hall. Ajo kujton: «Më duheshin 51 euro për qiranë, të cilën duhej ta paguaja të nesërmen. As që e kisha idenë si t'i gjeja këto para. U luta për situatën, pastaj vajta në punën time si kameriere. Nuk prisja të merrja

6, 7. (a) Sidomos për cilët kënaqet Jehovahi kur u siguron gjërat e nevojshme? (b) Jepni një shembull se si kujdeset Jehovahi për shërbëtorët e tij besnikë.

shumë bakshishe atë mbrëmje, ngaqë ishte një ditë jave kur në restorant nuk vinin shumë njerëz. Për habinë time, atë natë erdhën disa klientë. Kur mbarova turnin dhe numërova bakshishet, ishin fiks 51 euro.» Nensi s'ka pikë dyshimi se Jehovahi i siguroi bujarisht tamam atë që i nevojitej.—Mat. 6:33.

8 Të gjithë mund të përfitojnë nga dhurata më bujare e Jehovahit. Cila? Flijimi shpërblyes i Birit të tij. Jezui tha: «Perëndia e deshi aq shumë botën, sa dha Birin e tij të vetëmlindur, që kushdo që tregon besim tek ai, të mos shkatërrohet, por të ketë jetë të përherëshme.» (Gjoni 3:16) Në këtë kontekst, 'bota' i referohet njerëzimit. Po, kushdo që vendos ta pranojë, mund ta marrë dhuratën më bujare të Jehovahit. Ata që tregojnë besim te Jezui do të gëzojnë jetë me bollëk, pra jetën e përherëshme. (Gjoni 10:10) A ka provë më të madhe që Jehovahi është bujar?

8. Cila është dhurata më bujare e Jehovahit?

IMITO BUJARINË E JEHOVAIT

9 Si mund ta imitojmë bujarinë e Jehovahit? Jehovahi «na i jep të gjitha me bollëk për kënaqësinë *tonë*», prandaj duhet të jemi «gati për të ndarë me të tjerët» dhe kështu e shtojmë gëzimin e tyre. (1 Tim. 6:17-19) Me kënaqësi përdorim të mirat tona për t'u bërë dhurata të dashurve tanë dhe për t'i ndihmuar nevojtarët. (*Lexo Ligjin e përtërirë 15:7.*) Çfarë mund të na kujtojë që të jemi bujarë? Disa të krishterë veprojnë në këtë mënyrë praktike: kurdo që marrin ndonjë dhuratë, kërkojnë mundësi që t'i bëjnë dhuratë dikujt tjetër. Kongregacioni i krishterë është i bekuar me një mori vëllezërish e motrash që po zhvillojnë një frymë bujarie.

10 Një nga mënyrat më të mira për të qenë bujarë është të japim nga vetja me fjalë dhe vepra.

9. Si mund ta imitojmë bujarinë e Jehovahit?

10. Cila është një mënyrë e veçantë për të qenë bujarë?

Si mund ta bëjmë këtë? Duke përdorur kohën dhe energjitë tona për të ndihmuar dhe për t'u dhënë zemër të tjerëve. (Gal. 6:10) Për të kuptuar si jemi në këtë aspekt, mund të pyesim veten: «A më shohin të tjerët si dikush që është i gatshëm të japë nga vetja dhe t'u vërë veshin shqetësimeve të tyre? Nëse dikush kërkon ndihmë për ndonjë projekt a porosi, a them gjithmonë *po* kur është e mundur? Kur ishte hera e fundit që kam lavdëruar sinqerisht një familjar ose bashkëbesimtar?» Kur 'e bëjmë zakon të japim', me siguri do të lidhemi më ngushtë me Jehovahin dhe me miqtë tanë.—Luka 6:38; Prov. 19:17.

11 Gjithashtu, mund të jemi bujarë me Jehovahin. Shkrimet na nxitin: «Nderoje Jehovahin me gjërat e tua me vlerë.» (Prov. 3:9) Këto 'gjëra me vlerë' përfshijnë kohën, energjitë dhe të mirat tona, të cilat mund t'i përdorim pa u kursy-

11. Përmes cilave mënyra mund të jemi bujarë me Jehovahin?

er në shërbimin e tij. Edhe të vegjlit mund të mësojnë të jenë bujarë me Jehovahin. «Kur japim kontribute në Sallën e Mbretërisë si familje, lëmë fëmijët t'i hedhin paratë në kuti,—thotë babai, Xhejsoni.—Ata kënaqen sepse, siç thonë vetë, 'i japim diçka Jehovahit'.» Fëmijët që provojnë gëzim kur i japin Jehovahit sa janë të vegjël, ka të ngjarë të vazhdojnë të jenë bujarë me të edhe kur të rriten.—Prov. 22:6.

JEHOVAI ËSHTË I ARSYESHËM

12 Një tjetër cilësi e Jehovahit që na bën për vete është arsyetueshmëria. Çfarë do të thotë të jesh i arsyeshëm? Fjala origjinale që në *Përkthimin Bota e Re* zakonisht përkthehet «i arsyeshëm», fjalë për fjalë do të thotë «të hapësh rrugë». (Titit 3:1, 2) Një njeri i arsyeshëm nuk ngul këmbë gjithnjë për çdo pikë e presje të ligjit dhe as është tepër strikt, i rëndë ose i ashpër. Përkundrazi,

12. Çfarë do të thotë të jesh i arsyeshëm?

përpiqet të jetë i butë me të tjerët dhe merr parasysh rrethanat e tyre. Është gati t’i dëgjojë dhe, kur është me vend, t’u hapë rrugë dëshirave të tyre e të përshtatë kërkesat e tij.

13 Si e shfaq arsyetueshmërinë Jehovahi? Ai dashamirësisht merr parasysh ndjenjat e shërbëtorëve të tij dhe shpesh e sheh të udhës t’u përshtatet kërkesave të tyre. Për shembull, shih si u soll Jehovahi me njeriun e drejtë Lot. Kur vendosi të shkatërronte qytetet e Sodomës dhe të Gomorrës, i dha Lotit udhëzime të qarta që të ikte në male. Megjithatë, për ndonjë arsye, Loti kërkoi me ngulm leje që të ikte në një vend tjetër. Mendo pak, Loti guxoi t’i kërkonte Jehovahit të ndryshonte udhëzimet e tij!—*Lexo Zanafillën 19:17-20.*

14 Në pamje të parë mund të jetë e lehtë ta gjy-

13, 14. (a) Si e shfaq arsyetueshmërinë Jehovahi? (b) Çfarë mund të mësojmë për arsyetueshmërinë nga mënyra si u soll Perëndia me Lotin?

kojmë Lotin si të dobët ose të pabindur. Në fund të fundit, me siguri Jehovahi mund ta kishte ruajtur gjallë kudo, kështu s'kishte pse të frikësohej. Prapëseprapë, ai ndihej i frikësuar—këto ishin ndjenjat e tij dhe Jehovahi hapi rrugë duke i marrë parasysh. Ai e lejoi Lotin të ikte në një qytet të cilin kishte ndër mend ta shkatërronte. (*Lexo Zanafillën 19:21, 22.*) Qartë, Jehovahi nuk është as i rëndë, as i prerë. Ai është i arsyeshëm dhe gati të hapë rrugë.

15 Le të shohim një shembull tjetër të arsyetueshmërisë së Jehovahit, siç tregohet në Ligjin e Moisiut. Nëse një izraelit ishte tepër i varfër që të ofronte si blatim një qengj ose një cjan, ai mund të ofronte dy turtuj ose dy pëllumba. Po sikur të ishte aq i varfër sa të mos ofronte dot as dy pëllumba? Në këtë rast, Jehovahi e lejonte

15, 16. Si e pasqyron Ligji i Moisiut arsyetueshmërinë e Jehovahit? (Shih figurën pranë titullit.)

izraelitin e vobektë të ofronte pak miell. Prapëseprapë, vëreni këtë hollësi të rëndësishme: nuk mund të ishte çfarëdo mielli, por «majë mielli», lloji që përdorej për mysafirë të nderuar. (Zan. 18:6) Pse na intereson kjo?—*Lexo Levitikun 5: 7, 11.*

16 Përfytyro sikur ti je një izraelit mjaft i varfër. Teksa i afroresh tabernakullit me pak miell për blatim, vëren që izraelitët më në gjendje po sjellin bagëti. Ka të ngjarë të ndihesh në siklet kur mendon për blatimin tënd që duket fare i papërfillshëm. Pastaj kujton se në sytë e Jehovait ka peshë. Përse? Për këtë arsye: Jehovai kërkonte miell të cilësisë më të mirë. Me fjalë të tjera, Jehovai po u thoshte izraelitëve më të varfër: «E kuptoj se nuk mund të ofroni sa të tjerët, por di edhe se po më jepni më të mirën që keni.» Vërtet, Jehovai shfaq arsyetueshmëri duke marrë në konsideratë kufizimet dhe rrethanat e shërbëtorëve të tij.—Psal. 103:14.

17 Falë arsyetueshmërisë së tij, Jehovahi pranon shërbimin tonë me gjithë shpirt, dhe kjo na jep zemër. (Kolos. 3:23) Një motër e moshuar italiane me emrin Konstanca thotë: «Më shumë se çdo gjë tjetër në jetë më ka pëlqyer t’u flitja të tjerëve për Krijuesin tim. Ndaj vazhdoj të predikoj dhe të drejtoj studime biblike. Nganjëherë më vjen keq që s’mund të bëj më tepër për shkak të shëndetit. Por e kuptoj se Jehovahi i njeh kufizimet e mia, më do dhe e vlerëson atë që mund të bëj.»

IMITO ARSYETUESHMËRINË E JEHOVAIT

18 Si mund ta imitojmë arsyetueshmërinë e Jehovahit? Mendo prapë për mënyrën si u soll Jehovahi me Lotin. Jehovahi ishte ai që kishte autoritet;

17. Për çfarë lloj shërbimi mund të jesh i sigurt se pranon Jehovahi?

18. Cila është një mënyrë se si prindërit mund të imitojnë shembullin e Jehovahit?

megjithatë, e dëgjoi dashamirësisht Lotin teksa shprehte ndjenjat e tij. Ai iu përshtat kërkesës së Lotit. Nëse je prind, a mund ta imitosh shembullin e Jehovait? A mund t'ua vësh veshin kërkesave të fëmijëve dhe, kur është me vend, t'ua plotësosh dëshirat? Për këtë, *Kulla e Rojës* e 1 shtatorit 2007, komentonte se disa prindër mund të përfshijnë fëmijët kur të diskutojnë rregullat e familjes. Për shembull, prindërit mund të vendosin orarin e kthimit të fëmijëve në shtëpi, dhe patjetër kanë të drejtë të zgjedhin një orë specifike për këtë. Sidoqoftë, prindërit e krishterë mund të dëgjojnë mendimin e fëmijëve për orarin e vendosur. Në disa raste prindërit mund të vendosin ta përshtatin disi orarin, nëse nuk rrezikohet të shkelen parimet biblike. Prindërit mund të shohin se, kur marrin në konsideratë mendimin e fëmijëve për rregullat e familjes,

ka më shumë të ngjarë që fëmijët t'i kuptojnë rregullat dhe të jenë më të prirur t'u binden.

19 Pleqtë e kongregacionit përpiqen të imitojnë arsyetueshmërinë e Jehovahit duke marrë parasysht rrethanat e bashkëbesimtarëve. Kujtoni se Jehovahi vlerësonte blatimet edhe nga izraelitët më të varfër. Po kështu, disa vëllezër e motra mund të bëjnë fare pak në shërbim, ndoshta për shkak të shëndetit ose të moshës. Çfarë mund të bëhet nëse këta persona të shtrenjtë ndihen zemërlëshuar për shkak të kufizimeve të tyre? Pleqtë me dashamirësi mund t'i sigurojnë se Jehovahi i do ngaqë po japin më të mirën.—Mar. 12:41-44.

20 Patjetër, kurrë nuk duam të ngatërrojmë arsyetueshmërinë me ngurrimin për t'i shërbyer

19. Si mund të përpiqen pleqtë të imitojnë arsyetueshmërinë e Jehovahit?

20. Të jesh i arsyeshëm, a do të thotë të kursesh veten në shërbimin e Perëndisë? Shpjego.

Perëndisë aq sa mundemi, thjesht që të jemi të mirë me veten. (Mat. 16:22) S’duam ta marrim shtruar dhe pastaj ta justifikojmë këtë qëndrim duke thënë se po tregohemi të arsyeshëm. Përkundrazi, të gjithë ne duhet ‘të përpiqemi fuqimisht’ të mbështetim interesat e Mbretërisë. (Luka 13:24) Mundohemi të drejtpeshojmë dy parime. Në njërin anë bëjmë shumë përpjekje, duke mos u kursyer në shërbim. Në anën tjetër kujtojmë se Jehovahi kurrë nuk na kërkon të bëjmë diçka përtej asaj që mundemi. Kur i japim më të mirën, mund të jemi të sigurt se Ai kënaqet. A nuk gëzohemi që i shërbejmë një Zotërie kaq mirënjohës dhe të arsyeshëm? Në artikullin vijues do të shqyrtojmë edhe dy aspekte të personalitetit të Jehovahit që na bëjnë për vete.—Psal. 73:28.

Shko te www.jw.org/sq ose
skano kodin 



w/p13 06/15-AL-1